

藏經書院版

卍
續藏經

第 85 冊

中國撰述

大小乘釋論部

新文豐出版公司
印行

已續藏經。——臺一版。——臺北市：新文豐，[民82

•]

冊；公分

ISBN 957-17-0665-5 (一套：精装)

— ISBN 957-17-1200-0 (第八五冊：精裝)

1.藏經

221.08

82000521

中華民國八十四年四月台一版三刷

新編
出續藏經
全一五二冊
第八五冊

精裝一冊基價一五·五五元正

編輯者藏經書院

版權 發行人 高 本 創



發行所及
新文豐出版
股份有限公司

所有

公司：臺北市雙園街九十六號
電話：三〇六〇七五七、三〇八八六二四
門市部：臺北市羅斯福路一段二十號八樓
電話：三四一五九三、三四一五二九四
台北郵政三六四三信箱
登記證：局版臺業字第〇六四九號
郵政劃撥：〇一〇〇四四二六號
傳真：三五六八〇七六、三〇二三八七〇

22090200 (精:一套)

22090285 (精: 第八五册)

佛尼牟迦釋師本無南





續藏

經第八十五冊目錄

新文豐出版公司影印卍續藏經會編印

中國撰述

大小乘釋論部

俱舍論疏三十卷但欠卷十二……

唐法

賢撰

0001

俱舍論頌釋疏二十九卷之內自一至十卷……

唐圓

暉述

0877

俱舍論疏目次

卷第一

五門分別

分別界品第一之一

卷第一之餘

分別界品第一之一餘

卷第二

分別界品第一之二

卷第三

分別根品第二之一

卷第四

分別根品第二之二

卷第五

分別根品第二之三

卷第六

分別根品第二之四

卷第七

分別根品第二之五

◆一編問字
下同

卷第八

分別世間品第三之一

卷第九

分別世間品第三之二

卷第十

分別世間品第三之三

卷第十一

分別世間品第三之四

卷第十二

分別世間品第三之五
失佚

卷第十三

分別業品第四之一

卷第十四

分別業品第四之二

卷第十五

分別業品第四之三

卷第十六

分別業品第四之四

卷第十七

分別業品第四之五

卷第十八

分別業品第四之六

卷第十九

分別隨眠品第五之一

卷第二十

分別隨眠品第五之二

卷第二十一

分別隨眠品第五之三

卷第二十二

分別賢聖品第六之一

卷第二十三

分別賢聖品第六之二

卷第二十四

分別賢聖品第六之三

卷第二十五

分別賢聖品第六之四

卷第二十六

分別智品第七之一

卷第二十七

分別智品第七之二

卷第二十八

分別定品第八之一

卷第二十九

分別定品第八之二

卷第三十

分別破我品第九之一

分別破我品第九之二

俱舍論疏目次終

俱舍論疏卷第一

沙門釋 法寶 撰

將釋此論五門分別第一初轉法輪時二學行次
第三教起因緣四部執先後五依文解釋

一會初轉法輪時者於中有四一定成道日二定
轉法輪日三述中間事別四會說不同

一定成道日者依長阿含經第四云八日如來生
八日佛出家八日成菩提八日取滅度次文云二
月如來生二月佛出家二月成菩提二月取涅槃
又灌佛經云佛告諸天人十方諸佛皆用四月八
日夜半時生皆用四月八日夜半時出家皆用四
月八日夜半時成道皆用四月八日夜半時而般
涅槃諸經八日皆同說月有異唯二四別不言餘
月準上一說說雖有異成道月日卽是同也所以
得知略有二理一以立正異故婆羅門國以建子
立正此方先時以建寅立正建子四月卽建寅二
月故存梵本者而言四月依此方者卽云二月根
本一也二準智論及婆沙計梵王講前五十七日

四月調根彙觀機等總有六月卽是二月八日成
道至八月八日轉法輪定如下引文以此故知二
月八日成道爲定去八月八日有六月故若是四
月八日卽無六月去轉法輪四月無文證故又釋
律論云佛與五比丘四月十六日結前安居安居
去四月八日唯有九日卽與法華智論毗婆沙等
衆多經論日月相違準此故知二月八日成道爲
定問若爾何故菩薩處胎經云二月八日成道二
八日轉法輪二月八日降魔二月八日般涅槃答
此有二釋一處胎經說菩薩處胎亦轉法輪此爲
密衆非爲顯衆也成道之日卽轉法輪義亦準此
今言爲五比丘轉法輪日諸說不同非是密衆二
諸經中錯二月爲四月者由建正不同已如前釋
錯八月爲二月四月者以迦底栗迦是八月卯星
之名二月又是建卯地之月星地詮別卯名同也
若知迦底栗迦是酉地之卯翻爲八月若謂迦底
底迦是震地之卯翻爲二月四月由此轉法輪等
日有一四八不同般涅槃日八四二月之異證多

教理度五比丘八月爲定會涅槃日如別章釋

二定轉法輪日者諸經論中皆云波羅奈國鹿野苑中爲五比丘轉四諦法輪說中間事日數不同然不指陳說法月日名者不可憑準唯有婆沙及釋律論分明指陳說法月日應依此文婆沙一百八十三云佛於迦栗底迦月白半第八日度阿若憍陳那迦栗底迦當此方八月也婆沙一百三十六云羯栗底迦月白半第八日晝夜停等至第九日夜增一獵縛故羯迦雖異語是同也故知定是八月八日又釋律論云佛與五比丘四月十六日結前安居一夏中不得聖果過夏於八月八日憍陳那忽然見法此二論文極理分明故餘文旣不分明不可依準故知八月八日轉法輪定佛成道日雖有二說不同或二月八日或四月八日無經論說二月四月轉法輪故知非是三七日後亦無文說三月四月六月故知非是六七八七五十七日後轉法輪也

三述中間事別者經律論中述從成道至轉法輪

中間時節廣略不同前後有異今且觀機已前依四分律敘觀機已後依婆沙述餘文同異次便錄附四分律三十一云初夜得宿命明中夜得死生智證明後夜獲得漏盡明得此三明卽往菩提樹下結跏趺坐七日不動受解脫樂過七日已從其定起受二賈客兄弟麁蜜爲授二歸云從此優婆塞最初也四王奉鉢用受麁蜜第一七日也因果經於觀機後說受賈人麁蜜四分云食麁蜜已卽於樹下結跏趺坐七日不動遊解脫三昧過七日已從三昧起去彼不遠有呵黎勒菓樹卽於彼樹神奉世尊呵黎勒菓受已爲授二歸第二七日也食此菓已如前入定出定入鬱鞞羅村乞食受婆羅門食已爲授二歸第三七日也已上三七日在菩提樹下食已更詣一離婆那樹下準前入定從定出已入鬱鞞羅村乞食受婆羅門婦食爲授二歸云此優婆夷之初也準此律文人受二歸得近事戒神畜非也第四七日也食已還詣離婆那樹下準前入定從定起已入鬱鞞羅村乞食受婆羅

●樂作師

●定下人七日二字見

●歌本作永

●八現流本第七

●補入自字

門男女食爲授二歸第五七日也已上二七日在離婆那樹下食已卽詣文麟龍宮到已同前入定天雨七日乃至龍天以身繞佛頭蔭佛上等第六七日也因果經在觀機後已上六七受解脫三昧樂又四分云從定起已詣阿輪婆羅尼拘律樹下敷坐具結跏趺坐五分律云入三昧七日又云受酪女人食過食已入定已上五分文四分又云作是思念言我今已獲此法甚深難解難知欲寂休息微妙最上智者能知乃至思惟已說二頌說二頌已默然已上思惟深法時不言日數法華云觀樹亦經行於三七日中思惟如是事我所得智慧微妙最第一衆生諸根鈍著樂癡所盲如斯之等類云何而可度與律意同準上六七日受解脫樂三七日思惟法總九七日前出定日卽是後七月初除重六日餘有五十七日是梵王請前與智論及毗婆沙日數同也智論第八云釋迦牟尼佛得道後五十七日寂不說法自言我法甚深難解難知一切衆生縛著世法無能解者不如嘿然入涅

●補入換字
中○論
正字

槃樂是時梵天王等請佛爲諸衆生初轉法輪佛時嘿然受請後到彼羅奈棧林中轉正法輪與律法華意同也四分又云梵王請佛轉法輪佛許已梵王歸宮已上觀機律與婆沙等大意同也中間少異略而不述已下依婆沙一百八十二述論云菩薩菩提樹下三十四心得阿耨菩提以佛眼遍觀一切世界誰應最初聞我正法我當爲說觀已便知囉連摩子應先聞我法是有天卽白佛言囉連摩子昨夜命終有說七日四分律云鬱頭藍子命過七日又曰爾時世尊亦起智見知彼命終便傷歎言彼失大利若彼聞我所說法者當得正解世尊復觀除彼誰應初聞我正法我當爲說觀已便知類迦羅摩子四分云阿監迦蘭應先聞法天復白佛命終已經七日有說昨日四分律中亦云昨日爾時世尊亦起智見知彼命過如前傷歎問初得阿耨菩提何故不爲二人說法而待命過不得聞法將非如來教化失時耶又說彼時二人善根未熟未堪聞法所以者何佛成道已彼初一

論無教人二字

論作供

往論作性

力論作足

快論作悅
王作劉

論作論遙
念作志

人若更經五十七日有餘命者應堪聞法彼第二人若更有五十一日有餘命者應堪聞法由此非佛教化失時準此論文婆沙雖不廣說梵王請前日數而除佛成道日至許請前五十七日與律及智論等同也又云世尊或時留自壽行如待蘇拔達羅等若能留他壽行無有是處準此論文無留他壽行世尊復觀除彼二人誰最初應聞我說法我當爲說觀已卽知憍陳那等五人應先聞法卽作是念彼皆是我父母親族先來恭敬供養於我今欲酬報爲何所在天卽白言今在波羅底斯國仙人鹿野苑爾時世尊亦起知見知在彼處便捨菩提樹下步涉而往問佛具最勝神力何故步涉往耶答敬重法故不以神力然佛行時足常去地如四指量一足跡皆有右旋吉祥可愛千輻輪相分明如畫身影所觸乃至七日能令有情至其處者諸根安快漸次行至婆羅底斯爾時五人忽逢見佛遂共立制彼喬答摩懈慢多求狂亂失念空無所獲而今復來欲相呼誘我等宜各勿與言

談恭敬問訊但敷教人一常座住其座不爾時世尊漸次近彼威德所逼令捨本期不覺一時從座而起趨走迎逆合掌歸命於中或有改敷淨座或取佛衣或取佛鉢或有奉水或有洗足白佛言唯願就座佛復作念如是癡人自立制約須臾還破時佛就座安祥而坐威光奇特如妙高山乃至世尊於是漸漸化誘令其調伏於日初分爲二人說法教誡教授令餘三人入村乞食彼所乞食充足六人於日後分爲三人說法教誡教授令餘二人入村乞食所乞飲食充足五人世尊往離非時食故如是教化經於三月有說四月令彼五人善根熟已於迦栗底迦月白半第八日如來爲彼轉正法輪時陳那最初見法

四會說不同者問若佛成道後經於六月轉正法輪者何故出曜方廣大莊嚴經云七七七日因果法華經云三七七日智度論五十七日佛不說法方等大莊嚴經二七日觀二七日經行因果經觀樹一七日法華經觀樹經行不言日也四分律六七

五分律八七日毗婆沙四月復有經說半年十二由延經一年耶答自古經律論師皆云見聞異也意說佛在世時隨衆生機威德不同或見多日後轉法輪或見少日後轉法輪今詳不爾釋迦如來八相成道示有父母妻子生日出家成道爲五比丘轉法輪日大小乘說理合皆同如說經行遠近觀樹等事容有異也佛神境力入定之相事難知故問何以得知答略有五例一舉時別故二異本前後廣略不同三生等日月同故四同本前後說有異故五譯者悞故由上五緣說有差別根本事同一舉時別者四分律六七者受解脫樂時法華經三七日者思惟法時出曜莊嚴經七七日五分律八七日等通思惟法時智論五十七日者梵王請前婆沙四月者調五比丘根時有經半年者以六月故十二由延經一歲者以經一夏律及受歲經以夏爲歲故二異本前後廣略不同者律前廣後略前別說受解脫樂思惟法時後略不說四月調機婆沙前略不說梵王請前後卽廣說四月調

機以此二文互證卽知日數經於六月方始說法
三生等日月同者以八相成道有父母妻子生及
出家成道等日說皆是同如何爲五比丘轉法輪
日有斯懸隔故知根本是同傳有廣略及有悞耳
四同本前後說有異故者婆沙一百八十二云佛
於菩提樹下三十四心得阿耨菩提以佛眼遍觀
一切世界誰應最初聞我正法如前引文準此佛
成道已卽觀根機中間略其受解脫樂及思惟法
梵王請等豈卽無耶故知諸本闕者亦是略也若
婆沙見聞不同成道之後卽觀根機何婆沙次下
文云彼初一人佛成道後若更經五十七日有餘
命者應堪聞法此卽佛成道後至觀根時五十七
日與智論同又智論第一云爾時菩薩捨苦行處
到菩提樹下坐金剛處降魔衆已卽得阿耨菩提
時梵天王等皆詣佛所勸請世尊初轉法輪準此
論文卽無食乳糜卽受解脫樂思惟法時佛成道
後卽梵王請若獨智論見聞異故卽說無者何故
第七卷云釋迦牟尼佛得道後五十七日寂不說

法是時梵王等請諸文闕略如第一卷略故非見聞異也

五傳譯誤者如宋本藥師云善信菩薩二十四戒唐隋本菩薩四百戒正法華六根各千二百功德妙法華三根千二百三根八百等自餘不同不可和會皆如此類根本是一傳不同故

一切衆生
經作云何著

心下法下
北本經第二
十八有著字

通論作通

二學行次第者一切萬行以聞法近善知識爲初涅槃二十五云一切衆生以聽法因緣得近大涅槃一切衆生以聽法故則具信根得信根故樂行布施戒忍精進禪定智慧得須陀洹果乃至佛果是故當知得諸善法皆是聽法因緣力故又云信心因乎聽法聽法因乎信心如是二法亦因亦因因亦果亦果果又正理五十九云初業地中所習行儀極爲繁廣欲通解者當於衆聖所集觀行諸論中求以要言之初修行者當於解脫具深意樂觀涅槃德背生死過先應方便親近善友善友能爲衆行本故具聞等力得善友名譬如良醫乃至廣說又四預流支一親近善友二聽聞正法三

男子髮制

說經作說

實經作集
下同

定經作定

如理作意四法隨法行如是等文諸經皆有聞而不信猶勝不聞故法華云時著法衆聞不輕言汝當作佛雖謗不信墮於地獄以是因緣值無量佛後遇不輕皆發大心就三乘法中皆須先學小乘有教後乃可學大乘空教所以得知有多文證故一十輪經第六云善男子若諸衆生於聲聞乘獨覺乘法未作劬勞正勤修學如是衆生根機下劣精進微少若有爲說微妙甚深大乘正法說聽二人俱獲大罪亦爲違逆一切諸佛所以者何若諸衆生於聲聞乘獨覺乘法未作劬勞身乃至而聽受大乘正法如是衆生實是愚癡自謂聰敏乃至如是衆生所有罪報皆爲未求聽習聲聞獨覺乘法先求聽習大乘正法如是愚癡斷滅論者下劣人身尙難可得說當能成賢聖法器乃至如是衆生所有過失皆由未學聲聞獨覺乘法先入大乘二解深密第二云我爲未種善根未清淨障未成就相續未多修勝解未積習福德智慧資糧依生無自性性定說諸法彼因隨分解了無常無恒等

令種善根等此指第一時若已種善根乃至已積

習福德智慧資糧等者又依三種無自性性說一

切法皆無自性依相無自性性說一切法無生

滅等此指第二時又下文云若有衆生已積習上

品善根乃至上品福德智慧二種資糧者聞我善

說無生滅等法於中信是佛說善知取捨即能速

證無上菩提若修下品五事者聞我此說信是佛

說得無量功德而生自見取謂一切法皆無生無

滅本來寂靜自性涅槃等生自見取故退失無量

智慧若不修五事者聞我此說生大業障誹謗不

信準此經文由聞有教修行五事由有五事能信

大乘若不修五事即謗不信故知亦定須先學小

乘後學大乘出斯諸佛出世先說小乘後說大乘

三大般若四百六十五遍學品云善現若不遍學

聲聞乘法獨覺乘法終不能得菩薩見道四涅槃

經云譬如長者唯有一子幼少未堪且教半字後

漸長大方教滿字五菩薩戒本云菩薩受學菩薩

戒者若學小不學大是犯非染汙學大不學小是

●乘經法

●法經乘

●之經作共

犯亦染汙六法華經大智度論四分律等皆云衆

生不堪聞大乘故不如嘿然入於涅槃因梵天王

請先說小乘準此等文故知欲學大法須先學小

乘法也今詳經說先學小乘後學大乘略有四意

一大乘深妙難信即生謗故法華經云若但讚佛

乘衆生沒在苦謗法不信故墮於三惡道二生斷

滅見故十輪經云若諸衆生於聲聞獨覺乘法未

作劬勞正勤修學根機未熟根機下劣精進微少

而便聽受微妙甚深大乘正法如是衆生實是愚

癡自謂聰叡陷斷滅過墮顛狂想執無因論三不

學小乘唯學大乘自謂學大乘者於聲聞乘若人

及法輕毀誹謗招大苦報故十輪云或小聽受無

上乘法便於諸佛之所護持聲聞乘法獨覺乘法

誹謗毀皆障蔽隱沒不令流布爲求名利唱如是

言我是大乘是大乘黨唯樂聽習受持大乘不樂

聲聞獨覺乘法亦不親近學二乘人誹謗大乘人

由自愚癡憍慢勢力乃至憎修學二乘人誹謗毀

辱令無威勢又云若於三乘隨輕毀一下至一頌

不應親近或與交遊或共住止或同事業若有親近或與交遊及共住止或同事業俱定當墮無間地獄乃至受大苦惱難有出期何以故善男子我於過去修菩薩行精勤求證無上智時或爲求請聲聞乘法下至一頌乃至棄捨自身手足血肉皮骨頭目髓腦餘二亦爾四若不先學有教精習善根等即當多諸障礙不能信解問曰若爾何故諸大乘經多分毀學小乘讚學大乘是究竟行答十輪經自會釋云是故三乘皆應修學不應憍慢妄學大乘謗毀聲聞獨覺乘法我先唯爲大乘法器堅修行者說如是言唯修大乘法能得究竟是故今昔說不相違梵網經等皆準此會釋若爾豈無大乘種姓不假積習唯聞大乘即能信解答三乘種姓要因先習善根無有法爾本性三乘差別故優婆塞戒經第一云不以性故名爲菩薩衆生有思名爲欲心以如是欲善業因緣發菩提心名菩薩姓如是等文非唯一二又小乘法謂說有教苦空無常無我及緣起等二者發小乘心此說依其有教

◆而難以○

◆難入教字

◆共許難果

積習善根方能信大不說先發二乘心後方學大乘不發二乘心發大乘心者雖學小乘不爲定名菩薩性今應反難若爾不因遇緣積習善根方能信大遇說即能生其信者先佛應已度盡何爲至今猶有般涅槃性者墮三惡道而論中說地獄成就三無漏根故問有立云若法爾有涅槃種姓及一乘根機等即有涅槃相謂性自能厭於生死愛樂涅槃少煩惱不行惡斷善根等廣翻無性之相此說爲是爲非答此說非也問何以得知答違理教故言違理者無始已來能厭生死愛樂涅槃少煩惱不行惡斷善根應先已般涅槃界時無始故因何莊嚴論說一向行惡斷善根善因不具名時邊無性今猶有也又若有本性即有印相者普斷善根一向行惡與無種姓相有何別而知是菩薩及一乘人言違文者善戒經論伽論地持等言菩薩細性無因而得共許此是菩薩本性經論之中唯有二印相二細性印相二具二性相細性印相唯佛能知如何凡夫能說相別

具二種性有六印相一切衆生知凡可知相非本相如何有相可知是本性相又瓔珞經云善財王子等六住已前退斷善根墮無間獄無惡不造此等何相知是菩薩又唯識論等皆云瑜伽五十二真如所緣緣種是菩薩性瑜伽論云一切皆有真如所緣緣以皆有故就障分性因既平等相云何異故知就人說相有無不同定非本性若言法爾無性有相可知除聲聞地有何又證今時能信大乘法者皆是先世曾種善根故般若云若於此經生一念淨信者當知是人唯於一佛二佛三四五佛所種諸善根已於無量千萬所種諸善根準上所明此論被機通其五性一切萬行之根本故三教起因緣者就中有五一一切教起緣二三乘教起緣三空有教起緣四三藏教起緣五此論教起緣

一切教起緣者一切諸佛因中發願皆爲度脫一切衆生令得成佛三無數劫行菩薩行證大菩提不爲衆生生人天中取小果故求大菩提行多

苦行故法華經云唯以一大事因緣故出現於世謂以佛之知見開示悟入一切衆生又般若論發大菩提有四心謂廣大第一常其心不顛倒廣大第一者欲令一切衆生得無餘涅槃無餘涅槃者簡異小乘涅槃也一切大乘經意皆同智論云有三乘道及人天道菩薩法應引導衆生於大乘道中不住大道者著二乘中不住涅槃者著天福樂中不作涅槃因大般若經法華意亦同也準上所引經論文意一切菩薩行苦行演說三乘三藏皆爲佛乘

二三乘教起緣者就中有二一正二兼正者謂爲求聲聞乘者轉四諦法輪求緣覺者說十二因緣求大乘者說六波羅蜜兼者說三乘法通爲三乘人諸論中說總別念住加行位中聲聞乘人亦修三義觀緣起及七處善四十四智七十七智等故大般若遍學品云三乘見道已前皆須遍學故知四諦十二因緣六波羅蜜等通爲三乘說也三空有教起緣者說有教爲未種善根未清淨障

未成就相續未多修勝解未積集福德智慧資糧
說諸法有性有生有滅是不安穩等令種善根乃
至令積集福德智慧二種資糧若已種善根乃至
已積集福德智慧二種資糧者佛又依三無性說
一切法皆無自性謂相無自性性生無自性性勝
義無自性性又依相無自性性勝義無自性性說
一切無生無滅本來寂靜自性涅槃又為發趣聲
聞乘者轉四諦法輪即是有教為聲聞說唯為發
趣修大乘者說一切法皆無自性無生無滅本來
寂靜自性涅槃此則唯為發趣大乘者說其空教
此就顯相理實說有通為三乘說空亦通三乘三
乘定性聞般若者皆證自乘無漏地故
四三藏教起緣者說素咀嚕藏依力等流一為衆
生得增上心學論道故二為衆生種種雜說故三
為令諸衆生種善根故四為未入正法令入正法
故說毗奈耶藏依悲等流一為衆生得增上戒學
論道故二為衆生說諸學處故三為已種善根者
令相續成就故四為已入正法者令受持學處故

說阿毗達磨藏依無畏等流一依增上慧學論道
故二分別諸法自共相故三為已成就者令得正
解脫故四為已受持學處者通達諸法真實相故
問素咀嚕中有毗奈耶等毗奈耶中有阿毗達磨
等阿毗達磨中有素咀嚕等此則三藏無有差別
婆沙一說從勝立名此經律論中雖一部內兼明
三藏然說就多分立三藏名二即從所明立三藏
名此謂三藏不全分部隨所明義即依彼文立三
藏別問何故弟子唯造對法不造素咀嚕藏及毗
奈耶藏耶答素咀嚕藏次第所顯謂素咀嚕中應
求次第何故世尊此品無間宣說彼品等此隨當
時機宜次第佛為教主佛在世時承佛神力如此
說者亦得名經佛滅度後弟子不可自造經也毗
奈耶藏緣起所顯謂毗奈耶中應求緣起世尊依
何緣起制立彼彼學處制立學處唯在於佛不在
弟子雖亦有別教誡學徒然不名為毗奈耶藏阿
毗達磨應求諸法真實性相不應求彼次第緣起
或前或後或無緣起說俱無過失準此弟子釋佛